



**Friedens-Schluß/ Wie solcher Von der Römischen
Käyserlichen/ Auch Königl. Schwedischen Mayst. Mayst.
So dann Deß Heyl. Römischen Reichs
Extraordinari-Deputirten, vnd anderer Chur:Fürsten vnd**

...

Ferdinand <III., Heiliges Römisches Reich, Kaiser>

Franckfurt, M.DC.XLVIII.

Copia deß Gewalts der Kön. May. in Schweden Herrn Gevollmächtigten.

[urn:nbn:de:hbz:466:1-71708](https://nbn-resolving.org/urn:nbn:de:hbz:466:1-71708)



Copia desß Gewalts der Kön. May. in
Schweden Herrn Bevollmächtigten.

W Ir Christina/von Gottes Gnaden der Schweden/
Gothen vnd Wenden erwöhlte Königin/vnd Fürst-
liche Erbin/Großfürstin in Finlandt/Herzogin in
Ehsten vnd Carelen/ Herrin in Ingermanlandt/2c. Thun
kund vnd zu wissen allen vnd jeden/ so daran gelegen/oder vff
einigerley weiß gelegen seyn kan. Nach dem von langer Zeit
hero anfangs zwischen vnsern hochlöblichsten Herrn Väter-
tern/dem Durchläuchtigsten vnd Großmächtigsten Fürsten
vnd Herrn/Herrn Gustaph Adolphen/ der Schweden Go-
then vnd Wenden Königen/Großfürsten in Finlandt/Herz-
hogen in Ehsten/Carelen/Herrn zu Ingermanland/Christ-
mildesten vnd lobwürdigē Angedenckens/hernach auch zwis-
schen Vns/vnd desß Reichs Schweden/auch vnsern Bunds-
verwandte/eines:vnd dem Durchläuchtigsten/Großmäch-
tigsten Fürsten vnd Herrn/Herrn Ferdinando dem Andern
dieses Namens/Erwöhlten Römischen Keysern zu allen Zei-
ten Mehrern desß Reichs/ in Germanien/Hungarn/Böh-
men/Dalmatien/Croatien/Slavonien/König/Ersherz-
hogen zu Desterreich/Herzogen zu Burgundt/Brabant/
Steyr/Kärndten/Crain/Marggrafen in Mähren/Herzo-
gen zu Lüzelburg/Ober vnd Nider Schlesiē/Wirtenberg/
vnd Teckh/Fürsten in Schwaben/Graffen zu Habsburg/zu
Tyrol/Pfirdt/Ryburg/Görs/Landtgraffen in Elßaß/
Marggraffen desß Heiligen Römischen Reichs/ in Ober-
vnd Nider Lauffnis/Herrn der Windischen Marek:
Vnd nach dessen Absterben/dem Durchläuchtigsten/Groß-
mächtigsten Fürsten vnd Herrn/Herrn Ferdinando

dem Dritten dieses Namens/ Erwöhlten Römischen Kay-
 fern/ zu allen Zeiten Mehrern des Reichs/ in Germanien/
 Hungarn/ Böhaimb/ Dalmatien/ Croatien/ Slavonien/
 Königen/ Erzhertzen zu Oesterreich/ Hertzen zu Bur-
 gund/ Brabant/ Steyr/ Kärndten/ Crain/ Marggrafen in
 Mähren/ Hertzen zu Lüzelburg/ Ober: vnd Nieder Schlez-
 sien/ Wirttemberg vnd Teckh/ Fürsten in Schwaben/ Grafen
 zu Habsburg/ Tyrol/ Pfirtd/ Kyburg vnd Görz/ Landgras-
 fen in Elßas/ Marggraffen des Heil. Röm. Reichs/ zu Bur-
 gaw/ in Ober vnd Nider Lausniz/ Herrn der Windischen
 Marck/ vnd dessen Bundsgenossen vnd Angehörigē/ andern
 theils/ nit mit geringer vergießung Christen Bluts/ vnd vie-
 ler Teutschen Provinzen verhörung/ zimlich scharyff gegen
 vnd wider einander gestritten worden ist/ die selbst natürliche
 Billigkeit aber erfordern thut/ daß zu beeden Theilen solche
 Gedancken geschöpfft werden/ wie Fried vnd Ruhe gestiftt/
 hingegen der Krieg gestillt/ vnd vffgehoben werden könne.
 Gleich wie Wir nun bey führung vnser Kriegs vnd Waf-
 fen/ jederzeit vff solchen Zweck vnser Absehen gehabt haben/
 derohalbē/ damit es an vnserm Ort nichts ermanglen möch-
 te/ so zu vberkom: vnd beförderung solches heilsamē Wercks/
 vff einige Weg vnd Weiß diem: vnd ersprieslich seyn köndte/
 als haben Wir zu solchem End Befehl vffgetragen/ vnd
 anbefohlen/ welches Wir auch/ vermög dieses/ hiemit vff-
 tragen vnd anbefehlen/ den Hoch vnd Wolgebornen/ Vu-
 fern lieben Getrewen/ Herrn Johaŋ Drenstirna Arel Sohn/
 Vnserm vnd des Reichs Schweden Senatori, vnd Cansley-
 Rath/ Graffen Moria Australis, Teynherm zu Rymitho/
 vnd Herrn in Sijholm/ Horningsholm vnd Tulllegarn: Vnd
 Herrn Johann Salvio/ Vnserm geheimen Rath/ Hoff-
 Canslern/ vnd bishero in Teutschlandt Legato, Herrn in
 Adlersberg vnd Tullingen/ welchen Wir vollkomblichen/
 vnd

vnd zu solchen vornehmen Sachen gnugsamen Gewalt
 vffgetragen haben / daß sie mit den jenigen Commissarien,
 welche Königl. May. zu dieser Abhandlūg / mit satt vnd gnug-
 samen Gewalt vnd Vollmache instruirt, verordnet haben /
 oder verordnen möge / entweder selbst / oder durch ihre Sub-
 delegirte, sich vntereden / tractiren, handeln vnd ordnen sol-
 ten / vff was Weis / Weg vnd Mittel / daß beeden theilen vor-
 genommener Zweck / als die Auffrichtung vnd Fortsetzung / der
 Freundschaft vnd des Friedens überkommen / vnd stabilirt
 werden / vnd was derhalbē besagte vnser abgeordnete / mit je-
 nes Theils Commissarien, oder deren Subdelegirten / zu
 diesem End / entweder vor sich / oder durch ihre ebenmäßige
 Subdelegirte tractiren / abhandlen vnd verrichten werden /
 ohngeacht einer vnter solchen etwan / abwesend / Kranck / oder
 anderer hochwichtigen Geschäften halben davon verhindert
 werde möchte / dasselbe wolle wir / vff die beste Art vnd Weis /
 beständiglich zu halten / bey Königl. vnverbrüchlichen Treu
 vnd Glauben hiemit versprochen / vnd zugesagt haben / zu des-
 sen mehrern gewisheit / haben Wir dieses Engenhändig vn-
 derschrieben / vnd mit vnserm grössern Königlichem Insiegel /
 bekräftigen vnd bestättigen wollen. Geben vff vnserm Kö-
 nigl. Schloß Stockholm / den 10. Decembris Anno 1645.

Christina.

(L.S.)

M III

Der